

Vighjana

Nera da capu à pedi edda era sempri noscia
Ritta nanta à u so zoddu spazzaia u silenziu
Ùn la vidia nimu chi u paesi era biotu
Allisciaia li teghji par disciodda l'angoscia

I so sonnii irrenti vidiani I'Urtolu
A muntagna di Cagna è lu mari piu in dà
Era tantu bramatu stu maestru impitratu
Par stà si ni priibita com'è mudderi in dolu

L'aghju scuparta bedda à piu di novant'anni
Era Vultata un ghjornu in u rughjonu amatu
Par sfassà l' anni persi è l' ingorda cità
Ùn pudia piu stà ci in issi lochi Iuntani

Cun pacenzia passo, ori, ghjorni è po' mesi
Pronta par u Viaghju versu a Tarra santa
Ritruvà u licetu è u compulu antiku
E l'adori di a machja oramai difesi

E avà l'ha ritrovu u so altru u so doppiu
Dopu avè lu lacatu par francà la turchina
Nè li fiddoli ingrati nè lu tempu mischinu
Ùn poni piu spicca issu divinu coppiu

Di issa stantara carca di santa cunniscenza
Edda n' avia fattu u so solu signori
Ramintendu i cridenzi è I'usi d'altri tempi
I vistighi spariti di un' antica Cusenza

Vighjana!
U to nomu ùn si dici
Ùn si sà, un si scrivi
Vighjana
Se' l'essenza è lu centru
Di I'umanu cambià ...